

UGOVOR

Br: 0602-3921-6/20

o nabavci motorne vodene pumpe za čistu tehničku i muljnu vodu

UGOVORNE STRANE

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)
ID broj: 4200119040004; Porezni broj PDV: 200119040004;

DOBAVLJAČ: "SAJMIR" d.o.o. Vogošća, ul. Vogoščanskih odreda 88, kojeg zastupa Direktor Safet Kožljak (u daljem tekstu: Dobavljač)
ID broj: 4201934680006, porezni broj PDV: 201934680006.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog Direktnog sporazuma za javnu nabavku roba - nabavka motorne vodene pumpe za čistu tehničku i muljnu vodu, prihvaćene Ponude Dobavljača broj 0602-3921-4/20 od 13.10.2020. godine i Odluke o izboru najpovoljnijeg dobavljača broj 0602-3921-5/20 od 16.10.2020. godine.

PREDMET UGOVORA

Član 2.

Predmet ovog Ugovora je nabavka motorne vodene pumpe za čistu tehničku i muljnu vodu. Ugovorni organ i Dobavljač su saglasni, da Dobavljač u ime i za račun Ugovornog organa izvrši isporuku nabavka motorne vodene pumpe za čistu tehničku i muljnu vodu iz člana (1.), ovog ugovora, a prema sadržaju obrasca za cijenu ponude sa kojom je Dobavljač učestvovao u provedenom direktnom postupku i u skladu sa narednim odredbama ovog ugovora.

UGOVORENA CIJENA

Član 3.

Ugovorena cijena za nabavku i isporuku motorne vodene pumpe za čistu tehničku i muljnu vodu iz člana 2. ovog Ugovora iznosi:

| | |
|---|-------------|
| Cijena robe koja je predmet ovog Ugovora bez PDV-a iznosi | 1.957,95 KM |
| PDV na ponuđenu cijenu robe iznosi | 332,85 KM |
| Cijena robe koja je predmet ovog Ugovora sa PDV-om iznosi | 2.290,80 KM |

Jedinične cijene date u ponudi ostaju nepromjenjive za vrijeme trajanja ugovora.

PLAĆANJE

Član 4.

Ugovorni organ će plaćanje cijene iz člana 3. ovog Ugovora, izabranom Dobavljaču izvršiti po predračunu, na transakcijski račun naznačen na predračunu.

ROK REALIZACIJE

Član 5.

Dobavljač se obavezuje da će isporuku robe definisane Članom 2. ovog Ugovora izvršiti u roku od 15 (pet) dana od dana izvršene uplate po predračunu.

MJESTO ISPORUKE

Član 6.

Obaveza Dobavljača je da motornu vodenu pumpu za čistu tehničku i muljnu vodu iz člana 2 ovog Ugovora isporuči u Sarajevo, ul. Vlakovo bb (KJKP „POKOP“ d.o.o. Sarajevo – groblje „Vlakovo“.)

UGOVORNA KAZNA

Član 7.

U slučaju kašnjenja u isporuci roba do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu 1 ‰ (promila) za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati, niti ih predvidjeti.

GARANCIJE

Član 8.

Dobavljač garantuje da će motorna vodena pumpa za čistu tehničku i muljnu vodu biti tvornički nova, neupotrijebljena, originalna i da će funkcionisati saglasno deklarisanim performansama.

Garancija za isporučenu motornu vodenu pumpu za čistu tehničku i muljnu vodu je minimumno 1 (jedna) godina.

U toku garantnog roka iz stava 2 ovog člana, Dobavljač se obavezuje da će u slučaju kvara isporučene pumpe otkloniti kvar u roku od tri dana od poziva Ugovornog organa.

Dobavljač je obavezan dostaviti garanciju za motornu vodenu pumpu za čistu tehničku i muljnu vodu i detaljne podatke o načinu i uvjetima servisiranja u toku garantnog roka.

RASKID UGOVORA

Član 9.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
 - ako Dobavljač ne isporuči robu u roku datog u Ponudi;
 - ako poslije djelovanja više sile nije moguće nastaviti realizaciju Ugovora;
 - Ugovor može biti raskinut izjavom Ugovornog organa ili Dobavljača u pisanoj formi.
- Izjava mora sadržavati razlog raskida Ugovora.

RJEŠAVANJE SPOROVA

Član 10.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 11.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

Član 12.

Ovaj Ugovor stupa na snagu nakon obostranog potpisivanja od strane ovlaštenih lica ugovornih strana, a važi do realizacije ugovora, a najduže 12 mjeseci.

Član 13.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

UGOVORNI ORGAN
KJKP „POKOP“ d.o.o. Sarajevo

Direktor, Goran Cerić

Broj, 0602-3921-5/20
Sarajevo, 20.10.2020. god.



DOBAVLJAČ
"SAJMIR" d.o.o. Vogošća

Direktor, Safet Kožljak

Broj, 42-10/20
Sarajevo, 20.10.2020. god.

